

Zimski nalazi strnadice cikavice (*Emberiza cia*) na području srednje Bosne

Winter finds of the Rock bunting (*Emberiza cia*) in the area of Central Bosnia: In December 2007, and over the period December 2008 - February 2009, a greater number of the Rock Bunting (*Emberiza cia*) was registered at localities in the vicinity of Žepče, Zenica and Maglaj. Presented data are the northern most finds of the species in the winter period for Bosnia and Herzegovina.

U decembru 2007., te u periodu od decembra 2008. do februara 2009. godine, opazili smo više primjeraka strnadice cikavice (*Emberiza cia*) na lokalitetima u okolini Žepča, Zenice i Maglaja. U decembru 2007. godine zabilježili smo je na lokalitetima Žepačko polje (2 mužjaka i 3 ženke) i Nemila oko 15 km sjeverno od Zenice (zabilježene dvije skupine od po 5 i 8 jedinki). Primjerci iz Žepačkog polja bila su u velikom mješovitom jatu zajedno sa zebama bitkavicama (*Fringilla coelebs*), sjevernim zebama (*Fringilla montifringilla*), i poljskim vrapcima (*Passer montanus*). Snijeg je bio visok oko 30 cm, ali su iz njega izvirivali razni korovi kojima su se ptice hranile. U Žepačkom polju su se mogle naći sve do povlačenja snijega. Skupine u Nemili su zatečene u jatu sa strnadicom brkašicom (*Emberiza cirius*). Od decembra 2008. do februara 2009. strnadice cikavicu smo zabilježili u Želeći, oko 3 km južno od Žepča, i Lješnici kod Maglaja. U Želeći, lokalitet velike deponije, na terenu obraslom korovima strnadice cikavice su bile prisutne u toku sva tri mjeseca. Ukupno je viđeno dvadesetak primjeraka koji su bili samostalni i hranili se na tlu, naročito ispod joha, čičaka, osjaka i ambrozije. U Lješnici su cikavice zabilježene u dva navrata. Prvo su (11.02.2009.) zabilježene četiri, a potom (13.02.2009.) tri ptice. Prilikom posmatranja 2007. i 2009. godine urađeno je 60 fotografija za dokumentaciju. Nalazi cikavice u zimskom periodu uglavnom su vezani uz Hercegovinu, dok su prezentirani podaci najsjeverniji nalazi date vrste u zimskom periodu za Bosnu i Hercegovinu.



Slike 1-2. Strnadice cikavice zabilježene u Lješnici 2009. godine (Foto: N. Dročić)
Figures 1-2: Rock bunting registered in Lješnica in 2009 (Photo: N. Dročić)

Narcis Dročić
Ornitološko društvo "Naše ptice", Semira Frašte 6, 71000 Sarajevo, naseptice@hotmail.com